

YÜNGA NGÜ 34

1. E ta te me to fu Moses fu fa ka Sinai de at tafe wu Israel ta de ne e ne?

-Wu riri de njukpa.

2. Me le de ni di de me keni bu mani tengu ne?

-Tengu me bu birimgbo.

-Tengu gara me ma.

3. Ni Ya areke kuru e baka me de ne tengune?

-Tengu me kaye de kuru.

-Tengu me baka munjdu hala nu wala baka lu ndade.

4. Mele deni kpechuru **xx** me tangu ne?

-Tengu iri me de me wu 'buru birimgbo.

-Tengu iri me de me wu birimgbo.

5. A le de ni kpechuru ra birimgbo gbü gima ne tengu ne?

-Tengu me reke ta kpi de kötö gbu wura madiya gbu ra menewa fu ungu afe teye.

6. Ale de ni kpe churu wu woni ake nini tengune?

-Tengu me to wu woni ake nini eyi de wu ga ni.

7. Me ga teni le gara wu kpara de a ga ni mere eyi neene?

-Ga ni moro kpara la eyi.

8. Me mala ga te ni cheka ge gumu ara de ungu ni mere eyi ne ene?

-Ga ni ra eyi de kpara na'da la.

9. Me mala ga te ni chika wu eka kpara de gumu ye teka azi ni mere eyi ne e ne?

-Ga ni zi e la eyi.

10. Me mala ga ni mere ne e ne te ni wu tanu kpo ni le amala de la?
-ga ni su wu eyi.

11. Ni ya a ö gumu e ka wu buni de ne ka ne?
-Tengu me to fu owu maye.

12. Me ga ni mere ne ene ta ni mere wu ngu ‘buru te me mala, bu ungu de birimgbo ne?
-Ga a ba ni mere wu ngu ‘buru te me mala ne de la.

13. Te kpara je wu rire ka me de njukpa ne de la, me ena amere de ungu baye?
-Me ena to kpi gbu wa te di fi badi tete.

14. Wu riri ka me baka mirayi ne baye?
-Wu eyuga wu siti ngu keni fini.
-Wu mere de a wu wu siti ngu kani.

15. Me to ta wu riri kaye fini ne tengu ne?
-Di ni wü wu sitingu de wu libiti te de magu mani.

16. Kpara te ti eyi azuru wu siti ngu de wu libiti de magumani de da?
-Ade me.

-Me to ta riri kaye de njukpa ne fuwu Israel.

-Tengu me la ta de tö wu Israel eya iri te wu riri kaye de ne, fu ungu ta aba fu tewe.

-Me i ta Moses fu da ka Sinai de a nu aza wu teme de ‘bosu ne.

Ni Tanga La Gogo 24:12

12-Fu me ta amal fu Moses ga, “koro kpakara fu da akini de mu mgbu kpakini, fara a to wu teme fuwu de wu riri te ma ki fu uwu de wu mere.”

-Moses je ta ri me fu ungu anu fu da ka Sinai.

-Joshua gi ta nga Moses maye.

Ni Tanga La Gogo 24:13-15 & 18

13-Fu wu Moses ta aya ake Joshua mawunda kaka, fu uwu ta anu fu de ka me.

14-Fu ungu ta amala fu wu chogboro wu kpara ga. “Yi chinga ni gi te ni na adu tete fuyi. Aaron ake Hur ladu de yi seni te ngu la du la, yinu de kpaka uwu.”

15-Ta te Moses nu fuda ne, fu ja ra ta ani ‘buru.

18-Fu Moses ta ari gbu burungu la fu da kpala. Fu ungu ta amgbu kpala wu ra tiki ‘bosu de wu biti kpa tiki ‘bosu.

-Ta te Moses koro fu da ka Sinai ne, fu mwe ta ato wu riri kaye de njukpa ne fefe.

-Fu tanga ta te ungu to wu riri kaye eyi fefe ne, fu ungu ta amala fu Moses ge afa e tini.

-Me mala ta fu Moses ga afa yofu tini.

Ni tanga La Gogo 25:8

8-Fu me ta amala fu Moses ga, “Mu ö wu Israel de fa su ka tete tere, tara amgbu eto uwu.

-Me mala ta fu Moses de afa yofu taye tengu ne?

-Me le kambu teka amgbu gbugbu?

-Abala de.

-Me le kambu teka amgbu gbugbu de kame?

-Tengu me kaye de kuru.

-Tengu me gu wu su 'buru de wu lo ra nde.

-Me mala ta fu Moses ga a fa yofu fuye tengu ne?

-Mu wu ngu ta te me reke de wu Israel kpo?

Me reke ta ngu de wu Israel ta ga ne?

-Me mala ta ga te wu Israel mere wu ngu 'buru te ni mala ne ni ena amere ta de uwu baye?

-Me mala ta ga teuwu je wu riri kaye 'buru la, nina ta a to maku tu uwu.

-Me mala ta ga nina amere de uwu baye te uwu je riri keni 'buru de la?

-Me mala ta ga ke uwu je wu riri keni 'buru de la, nina ta a tima zinga ka tu uwu.

-Wu Israel ti ta eyi a mere wu ngu te me mala fu uwu 'buru?

-Abala de.

-Me wu ta eyi ga wu Israel ti amere wu ngu 'buru teni mala la de?

-Wayi.

-Te kpara mere bu riri de fa me ena mere de ungu baye?

-Tena ungu gbu kpi gbu wa te di fu bedi la.

-Dene si ngu te me mala ta fu Moses ga a reke yofu tini tete ne:

-Tengu me le ta wu Israel fasu, ale ta de uwu kpi gbu mere wa de fi bedi de.

-Tengu me la ta de wu Israel kpi gbu mere w ade fi bedi de ne, fu ungu ta areke kaji te uwu eno fowo tete.

-Kaji ta te me reke fu wu Israel ne ta baye?

-Te wu Israel mere ta riri birimigbo de la fu uwu ta anu esa yofu la fu uwu akoro de ngute nu.

-Me ena mere ta baye te ungu cheka ngute nu la eyi la?

-Te me chika ta ngute nu la eyi la fu ungu ta ache de amere sitingu de wu Israel gi te lo ra te wuna amere suka ngula.

-Me le ta de uwu fa ta yofu ma'da baye?

Ni Tanga La Gogo 25:9

9-Fu me ta kpa amala fu Moses ga, “mu reke kambula de wu e kaye ‘buru baka dema na mala fu mu ne.”

-Me le ta de wu Moses de wu Israel reke ta yofu ma'da baye?

-Baka ta te me ena amala ne.

-Me le ta de Noah reke kurumgba la ta baye?

-Baka ta te me mala.

-Bu baka ta te me mala fu Noah reke kurumgba baka ta te me mala ne, me le ta de wu Moses reke ta yofu la kpa baka ta te ungu mala ne.

-Ni ti amal fu me ni na koro fefe baye ne de.

-A le de ni koro kpaka me baka te ungu ena amala tini.

-Ni ti akoro kpaka me te kagi te ni le ne de.

-A le de ni koro bu te kaji te ungu le ne.

-Ni na a wu kaji ka me kaye?

-Gbu kichik kpa kaka, Biblia.

-Me le ta de wu Israel reke yofu ne gbu ne?

-Gbu kö nu de wu e te wu reke gbu su meme.

-Fu me ta amala fu Moses ga aba gbu gbu 'bosu.

-Gina kambu la wu gu iiri kambu de njila.

-Da ta kambu ka me.

-Kambu la wu kpara ri gbu 'buru de bu wu gara wu kpara.

-Gara kambu la te de njila njila kambu.

-Kambula ta fu me kpikpiye.

-Biri kpara ena ri ta esa kambula bu maye, gbu redu birimgbo.

-Da tengu me ena mgbu ta gbu kambu la.

-Te wu Israel fa ta yofu la bubaka ta te me mala la, wazi ka me ena ri ta esa kambu la.

-Fu me ta amala fu Moses ga areke sanda de a ö esa njila njila kambu la.

-Iri sanda ma'da la ena mbu ta de kurumgba ka reke ngu.

Ni Tanga La Gogo 25:10-11

10-Fu me ta amala fu Moses ga, “wu Israel reke sanda gbu ru kasiya ... amo cubu ‘bosu, cubu birimgbo mere e, aga cubu birimgbo.

11-Ye mere kokute, de gbugbu, dedere ‘buru de dahabu.”

-Me mala ta ga wu reke sanda ka reke ngu la gbu ru te de mareke.

-Me mala ta ga wu reke kukute ‘buru de dahab.

-Me mala ta kpa ga sanda ka reke ngu la de cubu ‘bosu ma mona, cubu birimgbo maga na de cubu birimgbo mere e.

-Fu me ta amala fu Moses ga areke momo na.

Ni tanga La Gogo 25:17

17-Fu me ta kpa amala fu Moses ga, “mu reke momo gbu dahab .. Mamo cubu ‘bosu, maga na birimgbo de tuye.”

-Me mala ta fu Moses ga a reke mo kurumgba la gbu dahab.

-Me mala ta kpa ga momo ma'do mgbu cubu birimgbo tuye de magaye cubu birimgbo de toye.

-Momo la ena mgbu de su te wozi me ena mgbu tete.

-Fu me ta amal fu Moses de a reke wu malayika ‘bosu teka momo na.

Ni Tanga La Gogo 25:18-20

18-Fu me ta amala fu Moses ga, “mu reke wu cherubim gbu dahab fu mu a ö fu odu momo na la.

19-Mu ö cherub biringbo fu odudu fu mu aö gara cherub fu gara adudu. Mu reke wu cherubim la gbu momo biringbo fu wu adodu ‘buru.

20-Mu reke wu cherubim la de wu mbula wu etikpi, de wu ni momo la ‘buru. Wu cherubim la cheka ja uwu de wu cheka momo la.

-Me mala ta ga Moses reke malayika gbu dahab fu wu odu momo la ‘buru.

-Me mala ta guba wu malayika ka la cheka ja wu de bula wu te wu ö a ni njo mo e la ‘buru. De ja wu a chika kpi kötö.

-Fu me ta amal fu Mose ga a ni mo kurumba ka reke ngu la di.

Ni Tanga la Gogo 25:21-22

21-Fu me ta amala fu Moses ga “mu ö mokurumba la de mu ö gbu kurumba ngu ta te ungu ena amala fefe.

22-Fu wu mo mu ezingba wu cherubim la te wu de fefe langu te mato la, mana maka mu kpala tara to wu riri kara fu wu Israel la.”

-Me mala ta fu Moses ga a ö wu mgburuku teme ka riri njukpa ta gbu sanda ka reke ngula.

-Ga amgbu ta atikpi ezingba wu malayika te wu reke gbu dahab be su ta te wazi ka me ena amgbu tete de akro amgbu de wu Israel tete ne.

-Me mala ta kpa fu Moses ga a i bongo ezingba njila kambu de njila njila kambu la.

Ni Tanga la Gogo 26:31& 33

31-Fu me ta kpa amal fu Moses ga, “mu i bongo de mba bibiri, mba didiki dewu ba ngu gbu ye la, de kuru wu cherubim tewu reke gbugbu marekede.

33-De mu zoro bongo ma'da la de e te wu zoro bongo di ne, de mu i sonda de ngu teyi ne ekere bongo ma'da la. Bongo ma'da la ena mgbu ezumgba njila kambu la de nita njila kambu.”

-Gbu bongo te wu i ezi mgba njila kambu de njila njila su la ta ga ne?

-A yuga ta ga zingba wu Israel ta ladu ake me kawu sitingu ka uwu.

-Bu baba te bongo la ze zingba njila kamu bu de njila njila kambu ne, wu sitingu mgbuta ezimba wu kpara de me.

-Fu tanga ta wu i bongo la eye ne, fu me ta amala fu Moses ga de a ö sanda la gbu njila nkula kambu la.

-Me mala ta kpa ga Moses reke ndugu ede kambu la.

-Fu me ta amala fu Moses ga a reke su kato e gbu wu ru ta areke. Kukute de bronze.

Ni Tinga La Gogo 27:1-2

1-Fu me ta kpa amal fu Moses ga, “mu reke suka to e fere gbu ru cacia, ma gana cubi te balta amgbu aburukunu, mamona mgbu cubit ‘burure de mere ye cubit ‘burure de mere ye cubit ‘burure.

2-De mu ö wu di fu wu rukumu uwu ‘buru de wu di de wu mgbu ‘buru biringbo, fu mu a reke fefe de bronze.”

-Te wu Israel duru ta ta fu uwu akoro ta de nu de wu moro te su te uwu reke gbu bronze la.

-Me mala ta fu wu Israel ga wu moro nu ma'da bane:

Ni Tanga La Leviticus 1:4

4-Fu me ta amala fu Moses ga, “A ö kpaye fu e te wu churu fini la da ni de wu le ungu baka e te ewa aza sitingu fefe.”

-Me mala ta ga Israel ö kpaye fu njo nu ö wu moro la de.

-Me mala ta ga wu Israwel ö kpawu fu njo nu ö wu moro la de ne te ngune?

-Wu Israel ö ta kpawu fu njo nu ö wu moro la de ne ayuga fume ga ni duru eyi ale ta de ni kpi, ga me le ko nu la fu da ni.

-Ngute nu ti ta eyi ase wu Israel ka wu sitingu ka uwu?

-Abala de.

-Enga me emala ta fu wu Israel ga wu moro nu teka sitingu ka uwu baye?

-Me le ta de wu Israel wu ga sitingu ekoro de kpi.

-Me ena mere ta baye te ungu cheka ngute nu la?

-Te me chuka ta ngute nu la ne fu ungu ta ache de amere sitingu dewu Israel dewu to ta zuka ngute.

-Fu me ta a mala fu Moses ga a i enga neye Aaron baka miri kawu Pastor la.

-Me mala ta kpa ga Mose mere ye Aaron baka Pastor.

Ni Tanga La Gogo 28:1

1-Fu me ta amal fu Moses ga, “wu koro de Aaron enga nimu fumu gbu tuwu Israel de wu enga ye Nodabaake Abihu ake Eleazar ake Ithamar de wu mere tima fere bala wu Pastor la.”

-Me mere ta wu Aaron dewu enga ye baka wu Pastor.

-Bu Aaron te de de miri kawu Pastor eri ta esa njila njila kambu maye.

-Aaron ena ri ta esa nji njila kambu la bu du biringbo ngbu re.

-Tengu me kaye de njula ale wu sitingu ‘buru dene, ale ta de miri ka wu Pastor ri esa njila njila kambu ne bu de biringbo gbu re.

Ni Tanga La Riri 16:2

2-Fu me ta amala fu Moses ga, “mu mala fu Aaron enga nimu ga a ya koro bu gbu lora te ungu le esa njila njila kambu ekere bongo engegira mo sanda ka mareke ngu la de, ka ungu ena kpi, tengu ma yuga tera gbu burumgu de fu mo mareke ngu la.

-Te Aaron ri ta esa njila njila kambu la gbu to ra te ungu le la, ete ena mere ta ne enn?

-Aaron ena akpi.

-Aaron ena ri ta esa njila njila kambu la bu du biringbo gbu ra to te me ma a gu toto mu la.

-Te ra te me gete la koro eyi la e tate ungule de Aaron nu de esakaye ne ta de ne e ne?

Ni Tanga La Riri 16:14

14-Fu me ta amala fu Moses ga, “aza ngute moko yiti de ungu mere ekute mo sanda ka reke ngu la de kpaye engegira na; de ungu za kpa bebete fu a moko ede sanda ma’da la de kpaye.”

-Me mala ta fu Aaron ga aza ngute nu fa ta anu di esa njila njila sambu la.

-Aaron ena mere ta de ngute la baye?

-Ana amoko ta ngute ma’da la fu mo sanda ka mareke ngu la.

-Tengu me kaye de njila ungu le wu sitingu ‘buru de ne, miri ka wu Pastor ena zata ngule nu esa njila njila kambu fu ungu amoko ngute la fu kurumgba ka reke ngula.

-Te Aaron mere ta baka ete me mala la, fu ungu ta a moko ngute la fu mo kurungba ka reke ngula, me ena mere ta ne ene?

-Me ena che ta de a tima zinga kaye teka wu sitingu ka wu Israel ka re biringbo gi te uwu ena oto ta zuka e teka sitingu la.

-Ni ti amala fu me ga niza akoro kpara bani de.

-Ale de ni koro kpaka mete kaji te ungu e mala fu ni.

-Ni ti akoro kpaka me te kaji te ni lede.

-Ale de ni koro kpaka me bu te kaji ka me.